

續雲南通志稿

殘本

藝文志


金石

漢貨布 漢王莽時貨布一枚按漢書食貨志王莽罷大小錢改爲貨布長二寸五分廣一寸首八分有奇廣八分其圜好徑二分半足枝長八分閒廣二分其文右曰貨左曰布重二十五銖福據文證形復以漢慮僦銅尺度之絲毫不爽更以今之裁衣尺度得厚一分爲漢志未言及又以今庫平權之得重四錢零四分是泉爲浪穹王君崧所藏王君曰此於道光六年浪穹人牧牛於野牛踏地下有空穴人往探中有銅釜上覆銅蓋貯此貨布二千餘枚以銅條貫之士人不識爲古貨布也此貨布入土不知何時度皆在晉宋閒矣


滇南古金石錄

按貨布式依滇南古金石錄摹於

滇南



面



背

章和元年洗

章和洗七字按章和元年東漢章帝卽位之

十四年

按章和元年應是章帝卽位之十二年漢志犍爲郡

有堂琅縣常璩南中志云堂琅山多毒草盛夏之月飛鳥過

之不能得去卽其地琅宋書州郡志作狼

阮元積古齋鐘鼎

彝器款識

按洗款識依積古齋鐘鼎彝器款識摹於後

章和元年

章和元年

北堂狼造

堂狼造

章和二年洗 章和銅洗底內有篆書陽款一行云章和二年堂狼造章和乃東漢章帝紀年二年則卽位之十三年也考漢書地理志堂狼係縣名犍爲郡所領後漢郡國志改郡爲屬國不載堂狼但於朱提下引南中志云西南二里有堂狼山蓋後漢以堂狼併入朱提矣予舊藏永建元年及永興元年二洗文拓本皆云朱提造又見內兄錢獻之得一洗云漢安二年朱提堂狼造惟阮侍郎積古齋鐘鼎彝器款識中所摹趙太常拓本有章和洗文則云章和元年堂狼造乃鑄在此洗之前一年而文皆曰堂狼也蓋章帝時

而未併故可單稱如漢安洗稱朱提堂狼則必在堂
朱提之後矣郡國志朱提下云山出銀銅地理志亦云
銀應劭謂朱提山在西南以南中志西南二里有堂狼山之
語證之則二志所謂朱提山者卽指堂狼山而言也其地今
貴州之威甯雲南之東川二府蓋由來產銅故漢時銅洗多
鑄於此地理志狼字從王作琅宋書州郡志及後漢志皆從
才作狼今所見洗文皆作狼可知地理志乃傳寫之譌予所
見漢洗深淺大小不等其文之有款者有雙魚及右魚左鳥
之異無款者有雙魚一魚及獸之不同如此洗與永興洗則
但有篆文一行居中耳洪氏隸續所云若駝非駝若麟非麟
者就予所見證以張芑堂金石契所模吉羊洗文知其獸乃
羊也說文云羊祥也故漢人多以吉羊爲吉祥此洗所模篆
隸字畫工整結體有法想見當時鑄造不苟且銅質堅厚色

澤青翠入骨洵漢銅洗中之上品也以建初尺度之高七寸
口徑一尺三寸強底徑九寸弱其款如底之徑長寬則一寸
八分云

古泉山館補漢金石文編

永建洗

永建洗銘七字永建元年東漢順帝之元年也漢

志犍爲郡有朱提縣提字本從手旁此洗銘提字從木作提
者考蘇示讀朱提爲朱匙云北方人名匕爲匙玉篇木部云
提卽匙字是提乃匙字之別文隸書手旁與木旁往往多亂
也

積古齋鐘鼎彝器款識

按洗款識依積古齋鐘鼎彝器

款識摹於後

永建洗銘

永建元年朱提造

雙魚永建洗 雙魚永建洗銘七字爲慈谿鄭徵君勳所藏

器積古齋鐘鼎彝器款識 按洗款識依積古齋鐘鼎彝器

款識摹於後

永建元年朱提造

永建元年朱提造

漢安魚鷺洗 漢安魚鷺洗銘九字曰漢安二年朱提堂狼

造案後漢書郡國志有朱提無堂狼後漢堂狼旣省入朱提

故此器云朱提堂琅也犍爲故夜郎國禹貢梁州之境厥貢

璆鐵銀鏤韋昭郭璞以爲璆當作鏤紫磨金與鐵銀鏤以類相證則朱提山之出銀銅由來舊矣漢書食貨志朱提銀八兩爲一流直一千五百八十他銀一流但直一千其產銀銅特佳故造器出其地云今銅器每以雲貴爲最朱提堂狼卽今貴州威甯雲南東川二府地

積古齋鐘鼎彝器款識

陽嘉

二年洗字之右作魚左作鷺正與此同洗取象於鷺魚以二者爲水物也圖釋爲鷺習水而捕魚譬之習於禮而得民殊屬曲說盤名洗者儀禮士冠禮設洗直於東榮水在洗東鄭注承盥洗者棄水器也士用鐵意古人盥洗以手臨盤御者以匱盛水沃之洗後棄水在盤爲棄水器聶崇義以盤洗爲二器失之矣

博古圖

按洗欵識依積古齋鐘鼎彝器款識

摹於後

漢安二年朱提堂狼造

漢安二年朱提堂狼造

永興洗 予舊藏永建元年及永興元年二洗文拓本皆云

朱提造 補漢金石文編

益州太守無名碑 碑首云永壽元年三月十九日益州太

守某君卒 其姓獨刳滅或有謂之馮君者豈予所藏偶不明

邪碑陰有牧靡故吏三人題名在趺之右 洪适隸釋 按牧

靡漢益州郡屬縣晉以後作牧麻唐書作升麻在今尋甸等

處益州太守爲雲南官碑復有牧靡故吏三人則在雲南無

疑今其碑無考

益州太守城壩碑 碑末有方三百里圍二尺字及用人用

日數似是記版築事

隸釋

案此碑地無考益州太守治滇

池卽今晉甯州城壩當在今雲南境

李元禮碑 在南甯縣南一里上刻篆書漢光和五年閏四

月十五日漢李元禮等字餘字莫辨傳爲李膺遭黨錮流其

妻子門人於此

舊志

按今碑無存

羅平州知州江夏程封

李元禮碑辨考漢書潁川李膺以黨錮之禍下黃門北寺獄
遇天時肆赦乃得免歸後陳蕃爲太傅竇武爲大將軍秉朝
政誅宦官引用天下名士起膺爲長樂少府及陳竇敗宦官
惡膺等復下詔申黨人之禁有侯覽鄉人朱並素爲張儉所
棄承覽意旨上書告儉與同鄉四十四人別相署號共爲部
黨圖危社稷詔刊章捕儉等是時李膺年已六十乃詣詔獄
拷死妻子徙邊考皇輿考曲靖府城南有李元禮碑相傳爲
膺以黨錮流妻子於此似與本傳妻子徙邊之說相合

靖郡縣官每逢春必致祭石婆婆者卽元禮碑也去城南里許在山阜上一石峭立如壁高可五六尺向西刻篆字有人辨云漢元和五年閏四月十五日李元禮等字今止能辨李元禮三字考膺死在漢靈帝時靈帝在位二十二年改元者四建甯熹平光和中平是也其曰元和五年必是光和五年也相傳膺妻至山際望夫化石因名望夫石又考輿圖摘要等書載云李膺以黨錮流於石城故有是碑夫膺以正人君子天下士大夫皆高尚其道當侯覽獄起或謂之曰可以去矣膺曰事不辭難罪不逃刑臣之節也去將安之遂拷死獄中未有流於石城之事獨疑李膺妻子或死於此後人必有爲之立碑而載其詳者豈漢靈帝迄今事歷一千餘年碑字旣已剝落郡志亦無可考遂以訛傳訛耶至於望夫化石之說近於怪誕不可爲實今楊林山前有石壘土人亦呼

之曰石婆婆又何考也編修昆明施培應讀李元禮碑詩并序碑在曲靖城南一里上刻篆書漢光和五年閏四月十五日漢李元禮等字餘字莫辨按後漢書膺死詔獄妻子徙邊未指明何地豈邊卽係滇耶曾於青史景勳名今讀殘碑百感生豈假光和存姓字擬同威望著幽并松風尙結登龍願山鬼還驚破柱聲片石不隨炎祚盡漢家大篆壽邊城

毛辨墓碑 在龍華寺前路下鄉人修路掘一土堆值大石甃砌如屋中有小碑上紀振威將軍平蠻大保關內侯毛辨之墓泰光十六年十月十六日建又橫書主簿楊林張甘都督張德王資張與張靖書佐文壽右相味縣吏石梁書佐黃等字按歷代封爵惟漢有關內侯之稱而漢無泰光年號存

參

雲南益州志

諸葛亮紀功碑

見隋書史萬歲傳語詳漢以來戎事錄

南甯諸葛碑 石城川味縣故地也開元初改爲南甯州

城中有諸葛亮所撰文立二碑背上篆文曰此碑如倒蠻爲

漢奴近年蠻夷以木擋柱

樊綽蠻書

按新唐書南蠻傳廣

德初鳳伽異策拓東城諸葛石刻故在文曰碑卽仆蠻爲漢

奴夷畏誓常以石擋擋考南甯州卽今南甯縣地拓東城卽

今省城蠻書與唐書互異未知孰是舊志謂此碑在雲南府

城東二里舊漢營則從新唐書今碑無存無從考定矣

諸葛鉤 道光十年迤西銅廠掘山地得石匣匣蓋有諸葛

字開之蓋卽碎爛匣內有銅兵器二十四件皆如刀矛見其

一約長二尺如刀而寬其首迴屈如鉤亦鈹鉤之類內外皆

有刃其下有柄柄之橢圓牝予定爲漢鉤楊雄方言謂戟之

屈者曰鉤諸葛亮委蒲元鑄刀三千今之屈如環者其遺制

也又梁書陸法和入蜀軍次白帝插表云此下必掘得諸葛

鏃掘之得箭鏃一斛據此知鉤本蜀漢物武侯亦常有鑄兵埋兵之事所謂屈如環者或卽此焉今關廟之刀皆曰關刀較此形畧同特此鉤上屈耳

阮元諸葛鉤考

孔明印 在趙州東南定西嶺西崖鐫刻印篆傳爲武侯所

遺土人以硃印其跡佩之可以治瘡

舊志

鄧川石壁

在鄧川州東三十里地名豪豬洞

舊志

南中志

載諸葛南征爲蠻作圖譜先畫天地日月次畫神龍牛馬後畫乘馬幡蓋及牽牛負酒之像此殆其遺跡乎

鄧川州志

諸葛石碣

康熙二十年七月馬寶踞天城山我師攻賊窠

樵採得一石碣大書深刻文曰馬到天城兵自散漢丞相武

鄉侯諸葛亮題

劉健庭聞錄

諸葛碑

諸葛鐵柱

縣北百二十里苴跋江上有馬鞍山

山上有諸葛城石壁有諸葛碑人不能上山半有鐵柱紀南

征年月并諸將名

大姚縣志

緬甯諸葛碑

在猛緬之邦鳳山碑文蘚剝多不可辨

舊志

孔明碑

自光山行二日至大川原廣可千里蠻人參象於

此旁有山曰孔明寄箭處有古碑蠻人亦謂之孔明碑

行真

紀程

太保山武侯甄

太保山頂有武侯祠掘地者往往得巨甄

上有平好二字相傳爲武侯所遺

永昌府志

趙州圓通寺古斷碑

在彌渡北門外有古斷碑載諸葛武

侯建

大理府志

雲南太守碑

碑文字殘闕不可考前後題太熙元年正月

上旬造

趙明誠金石錄

按晉雲南太守治雲平在今雲南

縣姚州普朔等處碑當在其地今不可考矣

雲南郡主碑

在姚州東慈應山上篆元康三年雲南郡主

等字

舊志

按漢宣帝晉惠帝俱有元康年號始載於此

夜郎太守母稚碑

隆安三年

鄭樵金石畧

按晉夜郎在

今霑益宣威境今其碑無考

晉故振威將軍建甯太守爨府君碑

碑在郡南七十里揚

旗田乾隆戊戌已出土新通志載而不詳近重修南甯縣志

搜輯金石遺文始獲焉遂移置城中武侯祠考晉安帝元興

元年壬寅改元大亨次年仍稱元興二年乙巳改義熙碑稱

大亨四年乙巳殆不知大亨年號未行故仍遵用之耳儀徵

阮文達師見爨龍顏碑訂爲滇中第一石此碑先出數十年

而不爲師所見惜哉抑物之顯晦固有時歟晉碑存世者已

鮮茲則字畫尤完好願與邑之人共寶貴之

鄧爾恆跋碑在

縣治南七十里揚旗田乾隆戊戌已出土時無知者故亦未

顯通志載而不詳且復譌繆近重修邑乘搜輯金石遺文始

獲焉知府鄧爾恆爲移置城中武侯祠按蜀漢建興三年置
建甯郡晉宋因之晉置同樂縣隸建甯郡今碑稱同樂人建
甯太守與史合攷爨琛仕晉爲興古太守意必與琛相後先
也此碑爨作爨稟作粟德作德偉作偉粹作粹寢作寢降作
陷震作震鄉作鄉牆作墻殲作殲抱作抱軒作軒句作恂與
爨龍顏碑字同眎漢人隸變又加甚焉此則一時風氣使然
甯甯縣志 謹按此碑阮志僅載碑名今據南甯縣志補錄
并摹碑額一十五字依捐本釋錄全文於左

晉故掾